

16. november 2023

UKA2023/7

Ilanngussaq I

UKA 2023/7

J.nr. 01.31.11-00007

J.nr. 01.25.01/23EM-LABU-00007



Aningaasaqarnermut Akileraartarnermullu Naalakkersuisoq

Ulloq: 14-11-2023

J.nr.:01.31.11-00023

Allannguutissatut siunnersuutit 2024-mut aningaasanut inatsisissatut siunnersuutip pingajussaaneerpeqarnissaanut Naalakkersuisunit saqqummiunneqartut pillugit Aningaasaqarnermut Akileraartarnermullu Ataatsimiititaliamit apeqqutit nukinginnartut kingusinnerpaamik marlungornermi ulloq 14. november akisassat.

Allannguutissatut siunnersuutit suliarinerannut atatillugu matuma kinguliani allassimasut Naalakkersuisunit akineqarnissaat Aningaasaqarnermut Akileraartarnermullu Ataatsimiititaliamit pisariaqartinneqarpoq:

Sammissaq 6: teknikikkut allannguutit

40.94.17 Kalaallit Nunaata Radiua - KNR (Tapiissutitut aningaasaliissutit)

1. Tusagassiortunik kalaallinik sulisussarsiniarnerup ajornakusoornerata nassatarisaanik KNR-ip nutaarsiassalerinera annikillisaavigineqartariaqartoq KNR-ip paasissutissiissutigaa. Naallu tusagassiortunik kalaallinik amigaateqartoqaraluartoq suliasami kisitsisissatut naatsorsuutigineqartut allannguuteqanngitsut ataatsimiititaliamit maluginiarneqarpoq. Nammineq radiukkut tv-kullu aallakaatitani suliasanut kisitsisit allanngunnginnerat aammalu KNR-imi sulisussaaleqineq imminnut qanoq ataqatigiippat?
2. Tamatuma saniatigut ataatsimiititaliamit erseqqissaatigineqassaaq KNR-imut taaguut eqqortoq tassaamat Kalaallit Nunaata Radioa, tasaanani Grønlands Radio.
3. 2023-24-mut angusassat pillugit KNR-imut piffissap imaalinerani isumaqatigiissuteqartoqarpa, taamaangippat tamanna 2024-mut aningaasanut inatsimmut qanoq kinguneqassava?

Sammissaq 10: Aningaasartuuteqarnerunerit

20.11.56 Missingersuutininik iluarsiiineq, allaffissorneq (Ingerlatsinermut aningaasaliissutit)

Isertitassatut sillimmatit isertinneqarsinnaanissaat anguneqarsinnaanngimmat peerneqarnissaannik Naalakkersuisut oqarnermini suna pineraat akineqassasoq ataatsimiititaliamit kissaatigineqarpoq. Taakku tunngavilersuuteqanngitsumik peerneqarnerat ataatsimiititaliamit naammagineqanngilaq.

Sammissaq 11: Isertitassatut missingiutini allannguinerit

24.11.10 Nioqqutissanik eqqussuinermit akitsuutit (Isertitatut aningaasaliissutit)

1. Naalakkersuisunit paasissutissiissutigineqarpoq ukiumut 20 mio. kr.-inik sodavandinut akitsuut qaffanneqartoq, taakkulu nunami namminermit tunisassiormut ataatsimut akitsuutip 3,50 kr.-iusup aammalu eqqunneqarsimasunut akitsuutip 7,50 kr.-iusup akornanni nikingassummut matussutaassapput. Nunami namminermit akitsuutip taassuma erseqqinnerusumik itisilerneqarnissaa ataatsimiititaliamit kissaatigineqarpoq. Tamatuma saniatigut akitsuut 7 kr. 50 ooriusup, taassumallu sumi atuutsinneqarnera erseqqinnerusumik nassuaatigineqassasoq ataatsimiititaliamit kissaatigineqarpoq.

24.11.27 Aalisarnermit pisuussutinik iluaquteqarnermit akitsuutit (Isertitatut aningaasaliissutit)

1. Ukiuni missingersuusiorfinni isertitassatut missingikkat ikileriarnissaannik naatsorsuutiginninnerup Naalakkersuisunit itisilerneqarnissaa ataatsimiititaliamit kissaatigineqarpoq.
2. Tamatuma saniatigut ikileriaatissatut taaneqartut raajartassiissutit ikilineqarnissaannik nalunaaruteqarneq imminnut qanoq attuumassuteqarnerisut aammalu 2026-mi 2027-milu 26,8 mio. kr.-inik ikileriaroqarnissaannik naatsorsuutiginninnermut qanoq attuumassuteqarnerisooq paasissutissiissutigeqqullugu Naalakkersuisut qinnuigineqarput.

2024-mut aningaasanut inatsisip inaarutaasumik inerner pingajussaaneerinninnissamut isumaliutississiummi allassimasussaammatt, taassuma paasissutissiissutiginnissaannik Naalakkersuisut qinnuigineqarput.

2024-mut tamatumalu kingornanut uuliat akiinut isumaqatigiissutissap killiffia paasissutissiissutigineqassasoq ataatsimiititaliami naggasiullugu kissaatigineqarpoq.

Apeqqutinut siuliani allassimasunut allakkatigut akissutit (kalaallisut danskisullu) sapinngisamik piaarnerpaamik tiguneqarnissaat ataatsimiititaliamit qinnutigineqarpoq. Akissuteqaat qarasaasiakkut ataatsimiititaliap allattaanut (jovag@inatsisartut.gl) (saam@inatsisartut.gl) aammalu Inatsisartunut (inatsisartut@inatsisartut.gl) nassuteqquneqarpoq.

Ataatsimiititaliaq sinnerlugu,

Asii Chemnitz Narup

Aningaasaqarnermut Akileraartarnermullu Ataatsimiititaliaq siulittaasua



Aningaasaqarnermut Akileraartarnermullu Ataatsimiititaliaq
-/ MAANI

AIS24-p pingajussaaneerneqarnissaanut apeqqutit nukingiussat

Matumuuna aningaasanut inatsisissatut siunnersuutip pingajussaaneerneqarnissaanut ataatsimiititaliap allakkatigut apeqqutaanut akissutit nassiunneqarput. KNR-mut tunngasumik apeqqummut akissummut Ilinniartitaanermut, Kulturimut, Timersornermut Ilageeqarnermullu Naalakkersuisoqarfimmit ilapittuutit pissarsisoqarpoq. KNI pillugu apeqqutit Nunalerinermit, Imminut Pilersornermut, Nukissiutitut Avatangiisinullu Naalakkersuisoqarfimmit akineqarput. Apeqqutit sinneri Aningaasaqarnermut Akileraartarnermullu Naalakkersuisoqarfimmit akineqarput.

Brevdato: 14-11-2023
Sagsnr. 2023 - 10875
Akt id. 23610801

P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl

Sammisaq 6: Teknikkikut allannquutit

40.94.17 Kalaallit Nunaata Radioa - KNR (Tapiissutitut aningaasaliissutit)

1. Tusagassiortunik kalaallinik sulisussarsiniarnerup ajornakusoornerata nassatarisaanik KNR-ip nutaarsiassalerinera annikillisaavigineqartariaqartoq KNR-ip paasisutissiissutigaa. Naallu tusagassiortunik kalaallinik amigaaqartoqaraluartoq suliassami kisitsisissatut naatsorsuutigineqartut allannquuteqanngitsut ataatsimiititaliamit maluginiarneqarpoq. Nammineq radiukkut tv-kullu aallakaatitani suliassanut kisitsisit allannunnginnerat aammalu KNR-imi sulisussaaleqineq imminnut qanoq ataqatigiippat?
2. Tamatuma saniatigut ataatsimiititaliamit erseqqissaatigineqassaaq KNR-imut taaguut eqqortoq tassaammat Kalaallit Nunaata Radioa, tasaanani Grønlands Radio.
3. 2023-2024-mut angusassat pillugit KNR-imut piffissap imaalinerani isumaqatigiissuteqartoqarpa, taamaangippat tamanna 2024-mut aningaasanut inatsimmut qanoq kinguneqassava?

AKISSUT:

1-imut. Suliassamut kisitsisit kingusinnerusukku suliassamut kisitsisinut naatsorsuutaasunut assingupput, tassa KNR-ip Naalakkersuisut KNR-illu akornanni innuttaasunik sullissinissamik isumaqatigiissutaat, 2026-p tungaanut atuuttussaq, ilassutitut nassiussaa. KNR-p nutaarsiassaqaartitsiviani maanna ajornartorsiortoqaraluartoq, KNR-p aqutsisuisa sulisuisalu suliassami kisitsisit piviusunngortinnissaannut sapinngisartik tamaat sulissasut Naalakkersuisut tatigaat. Taamaammat suliassami kisitsisit annertunerpaamik eqqortumik takutitsisuunerat Naalakkersuisut suli naatsorsuutigaat.

2-mut. Taaguut "Grønlands Radio (KNR)" atornerqarpoq aallakaatitassiornissamut pisinnaatitaasoq. Inatsisartut inatsisaanni nr. 7, 8. juni 2024-meersumi § 1-ip qallunaatuani allassimammat. Inatsisip kalaallisoortaani taaguut "Kalaallit Nunaata Radioa (KNR)" atornerqarpoq. Taamaammat KNR-i Kalaallit Nunaata Radioanut taaguutigissallugu kukkusuunngilaq.

3-mut. Innuttaasunik sullissinissamik isumaqatigiissut allanneqareerpoq maannalu Naalakkersuisunit akuerineqarnissaa siunertaralugu nutserniarneqarluni. Tamatuma kingorna isumaqatigiissut Naalakkersuisut aamma KNR-ip siulersuisuisa akornanni atsiorneqassaaq. Tamanna 2024-mut Aningaasanut inatsimmut kingunerisassaqaqngilaq.

Sammissaq 10: Aningaasartuuteqarnerunerit

20.11.56 Missingersuutini iluarsineq, allaffissorneq

Isertitassatut sillimmatit isertinneqarsinnaanissaat anguneqarsinnaangimmat peerneqarnissaannik Naalackersuisut oqarnerminni suna pineraat akineqassasoq ataatsimiititaliamit kissaatigineqarpoq. Taakku tunngavilersuuteqanngitsumik peerneqarnerat ataatsimiititaliamit naammagineqanngilaq.

AKISSUT:

Missingersuutitut tapiliussami oqaasertat pitsaanerusinnaanerat Naalackersuisut isumaqatigaat, ataatsimiititaliarlu allannguutissatut siunnersuummi tunngavissanik ersarissaanissamik pissutissaqartitsilersumik apeqquteqarneranut qutsavigalugu. Isertitassatut sillimmatit aningaasanut inatsimmik suliaqarnerup ingerlanerani sipaarutissanik arlalinnik nassaarniarnissamik anguniagaqarnermik ersersitsisuuvoq. Naluneqanngitsutut AIS24-p suliarineqarneranut atatillugu kontumut pingarnermut 8,7 mio. kr-t isertitassatut sillimmatitut ivertinneqarput. Tamanna aningaasanik inatsimmik suliaqarnermi kingusinersukkut aningaasartuutaanerusussanut aningaasatigut atugassaqaarnissamut ilapittuuteqarnissap qularnaarnissaa siunertaralugu pivoq, tassani aningaasanut inatsimmik isumaqatiginninniarnernut atatillugu. Aningaasanut inatsimmik isumaqatiginninniarneri ingerlaneranni, ilaatigut ungasissumut sammisunik aningaasaliinernut aningaasaateqarfimmi aningaasanik atuinikkut aningaasartuutiniq nutaanik arlalinnik, ilaatigut peqqinnissaqarfimmut immikkoortumi, aningaasalersuinissamut naammattunik aningasanik atugassanik pilersitsisoqarsinnaasoq qulaarneqarpoq, taamaalillunilu sillimmatit aningaasat atugassat nutaat ilaattut atugassanngortinneqarsinnaapput. Taamaammatt AIS24-mut ivertinneqaaqaartunit, aningaasanullu inatsimmik suliaqarnerup ingerlanerani isumaqatigiissutigineqartunit, soorlu Majoriami ileqqaarutinit, amerlanerusunik ileqqaaruteqarnissaq pisariaqalinngilaq.

Sammissaq 11: Isertitassatut missingiutini allannguinerit

24.11.10 Nioqqutissanik eqqussuineri akitsuutit (Isertitatu aningaasaliissutit)

1. Naalackersuisunit paasissutissiissutigineqarpoq ukiumut 20 mio. kr.-inik sodavandinut akitsuut qaffanneqartoq, taakkulu nunami namminermit tunisassiornermut ataatsimut akitsuutip 3,50 kr.-iusup aammalu eqqunneqarsimasunut akitsuutip 7,50 kr.-iusup akornanni nikingassummut matussutaassapput. Nunami namminermit akitsuutip taassuma erseqqinnerusumik itisilerneqarnissaa ataatsimiititaliamit kissaatigineqarpoq. Tamatuma saniatigut akitsuut 7 kr. 50 ooriusup, taassumallu sumi atuutsinneqarnera erseqqinnerusumik nassuiaatigineqassasoq ataatsimiititaliamit kissaatigineqarpoq.

AKISSUT:

Missingersuutitut tapiliussani oqaasertat ajorluartumik paasinerlunneqarsinnaapput, tamannalu Naalackersuisut annertuumik utoqqatsissutigaat. Tamanna tunngavigalugu allannguutissatut siunnersuut nr. 132-p missingersuutitut tapiissutaanut **naqqiut** ilanngunneqarpoq.

Tamatununga atatillugu Naalackersuisut ilisimatitsissutigissavaat, sodavandinut akitsuutip ukiumut 20 mio. kr.-inik annertussuseqartup qaffaqqinnissaanut allamik ivertitsisoqanngilaq. Taamatut akitsuummik qaffaaneq eqqussuineri akitsuutit pioreersut qaffanneqarnissaat siunertaralugu inatsisissatut siunnersuummik saqqummiussinissamik pisariaqartitsiviussaaq, Naalackersuisullu ataatsimiinnermi maanna ingerlasumi akitsuutit qaffanneqarnissaannut inatsisissatut siunnersuummik saqqummiussinngillat. Akerlianik Naalackersuisut imeruusaatit puuinut akitsuutit appartinneqarnissaannut allannguutissatut siunnersuummik saqqummiussipput.

7. november 2023-mi ataatsimiititaliamut allakkatigut akissummi ilisimatitsissutigineqareertut, Naalakkersuisut tulluuttut ilisimatitsissutigissavai:

Puut akileraartussaasut annertunerusumik eqqussorneqarneranni iluanaarutitut sunniutinik naatsorsuinerit maanna Nuuk Imerup tunisassiai tunngavigalugit suliarineqarput, tamatumanilu ullumi atuinerit annertoqataannik eqqussuinissaq tunngavigineqarluni.

Tuniniakkat ima amerlatigipput:

Suussusaa	Amerlassusai	Puunut akitsuut (akit atuuttut)
034 25 cl. Sodavand	1.594.000	3.188.000 kr.
035 50 cl. Sodavand	12.647.000	44.264.500 kr.
035 33 cl. katillugit	13.731.000	48.058.500 kr.
Katillugit		95.511.000 kr.

Tamatuma saniatigut Nuuk Imeq immiaaqqanut sodavandinullu tuniniagaanut annikinnerusumik akileraartoqartarnikuvoq. Tamanna isumaqarpoq eqqussuineritut akitsuutit aamma qaffassasut. Puunik utertitsineritut aqqissuussami aningaasarsiorneq ima isikkoqassaaq:

Puunut akitsuutit (sodavandillu immiaaqqallu akitsuutai)	Amerlassusii	Isertitaqarneruneg
034 25 cl. sodavand	1.594.000	3.188.000 kr.
035 50 cl. sodavand	12.647.000	44.264.500 kr.
035 33 cl. katillugit	13.731.000	48.058.500 kr.
Sodavandit ikinnerusut annerusulli	-3.000.000	-10.500.000 kr.
Immiaaqqat sodavandillu akitsuutaannut akikilliliinnginneq (20 mio. kr. missingersuummut ilassummi)		20.488.000 kr.
AIS2024 immikkoortitat		-20.000.000 kr.
Puunut akitsuutip 60 ørinik annikillisinnera		-20.000.000 kr.
<u>Isertitaqarneruneg</u>		<u>65.000.000 kr.</u>

Tamatumunnga atatillugu ilisimatitsissutigineqarsinnaavoq, Nuuk Imeq A/S-i sodavandinik tunisassiamut ataatsimut 3,50 kr.-nik akitsuuteqarnikuvoq. Tunisassiorneq eqqussuinerimik taarsorneqartussaammat, tamatumanilu maanna akitsuusiineritut inatsit naapertorlugit eqqussaq ataatsimut 7,50 kr.-t tunisassiornerimut eqqussuinerimut 3,50 aamma 7,50 kr.-t akornanni naatsorsueqqittoqarpoq, tamatumanilu eqqussuineq Nuuk Imerup taamani tunisassiarisai amerlaqatigalugit ingerlanissaa naatsorsuutigineqarsinnaavoq.

24.11.27 Aalisarnermi pisuussutinik iluaquteqarnermi akitsuutit (Isertitatut aningaasaliissutit)

1. Ukiuni missingersuusiorfinni isertitassatut missingikkat ikileriarnissaannik naatsorsuutiginninnerup Naalakkersuisunit itisilerneqarnissaa ataatsimiititaliamit kissaatigineqarpoq.
2. Tamatuma saniatigut ikileriaatissatut taaneqartut raajartassiissutit ikilineqarnissaannik nalunaaruteqarneq imminnut qanoq attuumassuteqarnerisut aammalu 2026-mi 2027-milu 26,8 mio. kr.-inik ikileriartoqarnissaannik

naatsorsuutiginninnermut qanoq attuumassuteqarnersoq
paasissutissiissutigeqqullugu Naalakkersuisut qinnuigineqarput.

AKISSUT:

Apeqqutit ataatsimoortillugit akineqarput.

Isertitassatut missingiutit nutartikkat Akileraartarnermut Aqutsisoqarfiup Aningaasaqarnermullu Naalakkersuisoqarfiup suleqatigiillutik suliaraat. Isertitassatut missingiutit nutartikkat takussutissiivimmi tulluuttumi immikkuualuttukkaarlugit agguarneqarput.

AIS 2024 – Aalisarnermi pisuussutinik iluaquteqarnermi akitsuutit, pingajussaaneerinninnissamut nutarterneqartut

Mio.kr.	AIS 2024	UM 2025	UM 2026	UM 2027
Raajanut akitsuut	0,00	-6,37	-27,79	-27,79
Qaleralinnut akitsuutit avataasiortut	0,00	0,00	0,00	0,00
Avaleraasartuunut akitsuutit	0,00	0,00	0,00	0,00
Ammassassuarnut akitsuutit	0,00	0,00	0,00	0,00
Ammassannut akitsuutit	-3,75	-2,25	-2,25	-2,25
Saarullinnut akitsuutit	2,95	2,95	2,95	2,95
Suluppaakkanut akitsuutit	-0,04	0,30	0,30	0,30
Kullerinnut akitsuutit	0,00	0,00	0,00	0,00
Sejinut akitsuutit	0,00	0,00	0,00	0,00
Saarullernanut akitsuutit	0,00	0,00	0,00	0,00
Ilanngaaseereerluni isertitat allannguutaat	-0,84	-5,37	-26,79	-26,79

Isertitassatut missingiutit pisassat avammullu tunisinermi akit ineriartornerannik tunngavissanik ilimagisanillu arlalinnik toqqammaveqarluni suliarineqarput. Aalisakkat ilaanni tunngavissat aningaasanut inatsisissatut siunnersuutip suliarineqarnerata nalaanit qujanartuik pitsaanerupput. Ingammik raajanut isertitassatut missingiutit taamaalilluni itisilerivigineqarnissaat pisariaqarpoq:

- 2023-mut raajanut TAC 110.000 tonsiuvoq. Taakku EU-mut Canadamullu 4.000 tonsinik agguarneqarput, taamaalilluni kalaallit aalisariutaat namminneq 2023-mi 106.000 tonsinik tunineqarput.
- 2024-mut raajanut TAC 102.500 tonsiussasoq ilimagineqarpoq. EU-mut Canadamullu agguanneqartussat ilanngaatigigaanni, 2024-mi kalaallit aalisariutaannut 98.500 tonsit sinnerutissapput. Pisanilli nuussisinnaaneq pissutigalugu, tassa aalisariutit 2023-mi sillimmatitut pisassaat 24.000 tons, taakku annertunerpaartaat 2024-mut nuunneqassapput. Taamaalilluni tunngaviumik missingersuusiarineqaaqqaartumitulli 2024-mi 106.000 tonsinik aalisartoqarnissaa ilimagineqarpoq, tamannalu 2023-mi pisassat annertoqqatigaat. Kiilumut 30 kr-mik aki tunngaviumik missingiummi atornerqartoq aalajangiussimaneqarpoq.
- 2025-mi raajanut TAC 95.000 tonsiussasoq ilimagineqarpoq. Tamatuma kalaallit aalisariutaasa 91.000 tonsit missaannik pissarineqarnissaat kingunerissavaa. Aalisariutit pisassanit nuutanit suli pisassaqaarnissaat suli ilimagineqarpoq, taamaalilluni pisassat tamakkerlugit pisarineqarnissaat, pisassanillu nuutanit 7.000 tonsit pisarineqarnissaat ilimagineqarpoq. Tamanna 2025-mi katillugit

98.000 tonsinik pisaqartoqarneranik malitseqqassaaq, tamannalu tunngaviusumik missingersuutitut sanilliullugu 8.000 tonsimik appariarnerussaaq. Akilli kiilumut 30 kr-nit 32 kr-inut qaffannissaat piviusorsiorlutut isigineqarpoq.

- 2026-mi 2027-milu raajanut TAC 95.000 tonsiussasoq ilimagineqarpoq. Tamatuma kalaallit aalisariutaasa 91.000 tonsit missaannik pissarisinissaat kingunerissavaa. Tassani pisat pisassanut 91.000 tonsinut naapertuunnissaat tunngavissaatinneqarpoq, tamannalu tunngaviusumik missingersuutitut sanilliullugu 15.000 tonsinik appariarneruvoq. Ukiunissaaq taakkunanani akigititassatut ilimagisaq kiilumut 30 kr-nit 32 kr-nut nalimmassarneqarpoq.

Naggasiullugu ataatsimiititaliap 2024-mut siumullu uuliamik tunisassiat akiisa isumannaarnissaannik isumaqatigiissut pillugu killiffik apequtigaa.

AKISSUT:

Namminersorlutik Oqartussat aamma KNI A/S ikummatissat imerpalasut pillugit sullissinissamut isumaqatigiissuteqarput. Sullissinissamut isumaqatigiissummut tunngatillugu KNI, Naalakkersuisunit akuerineqaqqaarluni, ikummatissat akiinik tamatumanilu aningaasanut aarlerinaatinik isumannaarisinnaavoq.

Maanna ikummatissanik imerpalasunik pilersuinermit sullissinissamut isumaqatigiissut atuuttoq 2026-p tungaanut atuuppoq. 2023-ili naalernerata nalaani tamanna 2027-mut sivitsorneqassasoq naatsorsuutaavoq.

Taamaasilluni KNI, Naalakkersuisunit akuerineqaarluni, 2023-mi ikummatissat akiinik tamatumanilu aningaasanut aarlerinaatinik 2024-2026-mut, piffissami ikummatissanut imerpalasunut akinik aalaakkaanginnissaaq siunertaralugu, isumannaarinissamut piginnaatinneqarpoq.

Atuisut qisuariarsinnaanerit aamma KNI-p isumaqatiginninniarnissamut periarfissai isumannaarniarlugit, uuliamik isumannaarinissamik akit isertuunneqarpoq.

Inussiarnersumik inuulluaqqusillunga

Erik Jensen